

欲致北嶽真人仙官以白書黑紙向北服之  
精思百日仙官立到真人詣房授兆神仙之  
藥與兆共言欲制黑帝之魔以黃書黑木九  
寸板上向北面百日天魔東形萬精自喪帝  
皇之章行七年神仙飛行白日升天右出七  
元經

玉清扶刀蓋華浮羅天玄景晨平隱  
書金玄內文

太素三元君受之於元始天王以傳太和五  
女行神仙之道當以紫筆書黃板上置西北  
方以滅浩帝大魔王官屬招致西北福德之  
野廷賢世界仙官十二年則致上官玉女降  
兆寢房授兆神真之道又紫筆書黃紋上佩  
身行之西北廷賢世界則萬靈東帶魔王籍  
首禮迎得乘飛雲羽蓋遊行玉清宮右出五  
清隱書

北帝廣靈滅魔殺鬼玉文受之於高  
上三天術  
以太素玉女二十六人一名  
威神玉女五清消魔王所佩

欲殺壬癸日鬼當書黃素上長一尺二寸  
廣三寸二分壬日安中央戊上癸日安己上  
閉氣十二息叩齒三十六通祝曰

太上大道三元品誠謝罪上法

天摧地激四時攝光五行促校檢定十方  
天帝浮位皇老出房高上所討聲剪無容  
先戮鬼夷後截群凶千妖萬試莫不伏降  
皆如玉文流鈴八衝豁落交擲山嶽摧崩  
承天順命伯史齊功

畢引氣十二咽止行之十二日鬼魔滅種  
群妖喪精書黃縑上佩身遊行天下萬  
鬼自竄千妖匿影十二年自得役使青腰  
玉女九人右符出五  
清隱書

上清佩符文黃券訣



太上大道三元品誠謝罪上法 位六

天專言凡修上法常以正月十五日七月十  
五日十月十五日平旦正中夜半三時沐浴  
身形五香自洗臨沐浴時向西南以金杓迴  
香湯東南左轉三十二過閉眼思目光在左  
目上月光在右目上五星纏絡頭上五色之  
雲帛繞一身青龍白虎朱雀玄武獅子白鶴  
羅列左右仙童執巾玉女散華飛仙乘騎侍  
衛身形便叩齒二十一通呪曰

天澄氣清五色高明日月吐輝灌我身形  
神津內盟香湯鍊精光景洞曜煥映上清  
氣不受塵五府納靈罪滅三塗禍消九冥  
惡根斷絕福慶自生今日大願一切告盟  
身受闕度升入帝庭

畢仰薰三十二過止便洗沐五神也沐浴  
畢冠帶衣服又叩齒十二通呪曰

五濁已清八景已明今日受鍊罪滅福生  
長與五帝齋真上靈

便出而入室依法行道也入室東向燒香  
叩齒三十二通祝曰

六一五八一

(06) A A 25-3

无上三天玄元始三炁太上老君召出臣身  
中三五功曹左右官使者左右捧香驛龍騎  
吏侍香玉童傳言玉女五帝直符直日香官  
各三十二人出出者嚴裝闡啓此間土地里  
域真官正神臣今正爾燒香行道陳乞所願  
願得十方正真之氣入臣等身中今所啓速  
達上聞

无極天尊太上大道至真上帝凡前

无上洞玄靈寶弟子某獻先生且某宿世緣  
會得生道化家三洞法師先生某所見啓拔  
開度腐骸參以經法過泰之恩實在罔極而  
臣生長流俗五神爭競塵深罪穢不自覺  
與罪同長山海彌積前生至今不知緣來凡  
以幾劫速及今日罪結天地在何簿目為三  
官執舉拘逮地役雖自修勵而无感徹真靈  
不降衆魔所伐致思念不專五神飛越常恐  
一旦歸命幽壑彌綸萬劫終天无拔謹以三  
元大慶吉日清齋燒香首謝前身及乎今日  
積行所犯天所不原地所不赦神所不哀鬼  
所不放憶罪兆過觸犯三元百八十條三官

九府百二十曹陰陽水火左右中官考吏之  
罪今故燒香歸身歸神歸命无極天尊太上  
道君三十二天上帝十方大聖東至真諸君  
丈人飛天神王天仙飛仙神仙地仙五嶽諸  
真人玉女諸天日月星宿瓊瑤玉衡及地上

十方无極諸靈官三界五帝三官九府百二  
十曹三河四海九江八極衆神靈司諸官乞  
賜大恩一切原除宿身今生所犯之罪以今  
燒香功德拔度罪根願削除地簡絕滅右府  
黑簿罪錄度上南宮左府長生青錄之中神  
仙度世永享无窮得道之後升入无形與真  
合同

第一東回九拜長跪言

臣某今歸命

東方无極太上靈寶天尊已得道大聖衆至  
真尊神太清玄元无上三天无極大道无上玄  
老太上老君太上丈人皇上老君皇上丈人  
青靈上真諸天帝君諸天帝丈人太帝君太  
帝丈人九老仙都君九氣丈人等百千萬重  
道氣千二百官君太清玉陛下東極老人青

華大神上相司馬青童君金闕後聖帝君真  
陽始青神人靈寶九仙君等青和玉女天仙  
玉郎東方无極世界一切神靈乞願直垂大  
慈開宥之恩原臣身前身以來逮及今日受  
生所犯上不敬諸天大聖尊神東方无極世

界一切神靈日月星宿四時五行風雨雷電  
雲霧時節下不敬師父尊長五嶽四瀆三河  
四海九江八極諸真人神仙玉女東鄉諸靈  
官三界地祇三官九署一切神明欺師同道  
穢賤天經竊盜聖文改易靈音宣傳至法貪  
利入身私相化投五帝无盟謀圖叛逆行不  
忠不慈不孝不愛不仁上逆君父下殺衆生  
掠奪人物姪犯他妻骨肉相加門族交通嫉  
妬勝已爭競功名口是心非攻擊賢人飲酒  
食肉濁注五神罵詈咒詛自作无端入落吉  
日喜怒无常輕孤賤寡棄薄老人凌賤貧窮  
逐寵蒙強諸如此罪不可勝紀積世結固纏  
綿不解以今燒香歸命東方乞願大慈直垂  
哀原赦除臣身前身生億劫以來至今身所犯  
諸如上之罪乞賜更始於今自改伏從禁戒

不敢又犯乞削地簡三官罪錄右宮黑簿惡對重根度名左府青錄之中今日大慶萬願開陳謹自首謝歸命天尊乞神乞仙與真合同門戶興泰善緣來生世世固極長享自然畢便解巾叩頭自搏各九十過止謝東方

畢次起左行向東南一拜長跪言

臣某今歸命

東南无極太上靈寶天尊已得道大聖眾至真尊神南上老君丹靈老子南極上元長生真人度世司馬司命司錄好生韓君起死更生鍊骨還神大聖神王萬福君萬福丈人太和玉女東南无極世界一切神靈乞恩謝如東方法

畢叩頭自搏各一十二過止謝東南畢次起左行向南方三拜長跪言

臣某今歸命

南方无極太上靈寶天尊已得道大聖眾至真尊神无極大道南上赤帝丹靈老子太和玉女長生司馬好生君司命司錄南極度世君飛天真人閻度愛生神王玉曆注生神仙

度世君萬福萬度萬生萬氣君南方无極世界一切神靈謝如上法

畢叩頭自搏各三十過止謝南方畢次起左行向西南方一拜長跪言

臣某今歸命

西南无極太上靈寶天尊已得道大聖眾至真尊神天皇老人南極元真君洞陽大靈眾神生氣飛真神王神仙玉女西南无極世界一切神靈乞恩謝如上法

畢叩頭自搏各一十二過止謝西南畢次起左行向西方七拜長跪言

臣某今歸命

西方无極太上靈寶天尊已得道大聖眾至真尊神无極大道西華太妙至極上帝金堂玉仙真母金闕後聖上相帝君玄古天師萬聖道主四極真人神仙玉女西方无極世界一切神靈乞恩謝如上法

畢叩頭自搏各七十過止謝西方畢次左行向西北一拜長跪言

臣某今歸命

上方无極太上靈寶天尊已得道大聖眾至真尊神无極大道上下中央四面八方三十二天上帝太上无為大道諸君丈人最大至尊无上元籙无極无窮普照普察无量洞明最上正真无鞅數眾道氣元始元先寥廓无

端混沌无形虚无自然太上元根冥寂玄通大智慧原正一盟威太上无為大道道中之道神明君无上无初萬萬億億數无鞅數道德諸君丈人太上道德君道德丈人无上萬生君萬生丈人无上萬氣君萬氣丈人无上萬元君萬元丈人无上萬福君萬福丈人溟津天神諸君丈人新出老君太清玄元上三天无極大道无上丈人太上三氣君太上老君太上丈人太清君太清丈人太玄上一君太玄丈人中黃正一君中黃丈人太元君太元丈人太始君太始丈人太初君太初丈人太素君太素丈人太虛君太虛丈人太一君太一丈人太儀君太儀丈人太平君太平丈人太淵君太淵丈人天帝君天帝丈人九老仙都君九老丈人玉曆君玉曆丈人九氣君

九氣丈人等百千萬億億萬萬數無鞅數萬  
 重道氣丈人千二百官君千二百官丈人太  
 清玉陛下太上玉真君玉真丈人五仙君五  
 仙丈人九靈君九靈丈人太清十二真君十  
 二真君丈人二十四神君二十四神君丈人  
 太清三十六真君三十六真君丈人五氣君  
 五氣丈人陰陽生氣君生氣丈人上上太一  
 君太一丈人皇天太上帝皇天太上丈人无  
 極太上元君太上元君丈人太一君太一丈  
 人神寶君神寶丈人真寶君真寶丈人天寶  
 君天寶丈人靈寶君靈寶丈人元神君元神  
 丈人元真君元真丈人元靈君元靈丈人皇  
 老君皇老丈人南極君南極丈人黃神老君  
 黃神丈人黃老君黃老丈人太和君太和丈  
 人太上皇真道君諸君丈人上古天師君天  
 師丈人三師君三師丈人萬道父母萬德父  
 母天地父母神仙所出神仙所聚東王公西  
 王母日君月夫人五星君五星皇妃璣璣玉  
 衡九星真君東仙真人聖父聖母神仙玉女  
 上方彌羅比天无極世界一切神靈乞恩謝

如上法

畢叩頭自搏各三百二十過止謝上方畢

次左行向東北日宮三拜長跪言

臣某今歸命

日君夫人日中皇華洞明太光童子丹霞玉

女日中諸神仙乞丐原臣受生所行罪負上

觸天光生死殃對並蒙赦除身得光明與日

同景長享无極受福自然

畢叩頭自搏各三十過止謝日宮畢次起

左行向西南月宮七拜長跪言

臣某今歸命

月君夫人石景水母圓光童子散輝玉女月

宮諸神仙乞丐原臣受生所行罪負上觸天

光生死殃對並蒙原除身得光明與月同景

長享无極受福自然

畢叩頭自搏各七十過止謝月宮畢次左

行向北九拜長跪言

臣某今歸命

諸天星宿璣璣玉衡七星北斗九星三台五

星夫人二十八宿周天三百六十五度星中

大神星中真皇夫人靈妃神仙玉女乞丐原

臣受生所行罪負上觸天光生死殃對並蒙

原除身得光明與星宿同景長享无極受福

自然

畢叩頭自搏各三百六十過止謝星宮畢

次左行向東嶽再拜長跪言

臣某今歸命

東嶽泰山青帝大神飛仙真人神仙諸靈官

名山大澤一切神靈乞丐原臣受生以來所

行罪負上觸東嶽名山大神无惡之罪並蒙

赦宥削除罪簡名上仙錄得與大神交友自

然

畢叩頭自搏各二十過止次向南方再拜

長跪言

臣某今歸命

南嶽衡山赤帝大神飛仙真人神仙諸靈官

名山大澤一切神靈乞丐謝如東嶽法

次向西南再拜長跪言

臣某今歸命

中嶽嵩山黃帝大神飛仙真人神仙諸靈官

名山大澤一切神靈乞馬謝如東嶽法

次向西再拜長跪言

臣某今歸命

西嶽華山白帝大神飛仙真人神仙諸靈官

名山大澤一切神靈乞馬謝如東嶽法

次向北再拜長跪言

臣某今歸命

北嶽恒山黑帝大神飛仙真人神仙諸靈官

名山大澤一切神靈乞馬謝如東嶽法

謝五嶽畢次左行向北方十二拜謝水官

言

臣某今歸命

扶桑大帝賜谷神王洞源洞淵清冷大神三

河四海九江水帝十二淮濟河伯河侯河中

二千石清河夫人水府神仙一切諸靈官乞

馬原臣前生以來至于今日所行罪負無數

愆目觸犯水官元惡之罪乞見原赦今日燒

香首謝大神歸命歸身乞得生活免諸罪根

削除水簡錄對上名生錄神仙簿中長享无

極與道合真

叩頭自搏各二百八十過止謝水官畢次

向北三拜謝三寶神經長跪言

臣某今歸命

太上无極大道至真无上三十六部尊經三

寶靈文神仙圖錄符章自然天書金書玉字

侍經玉童玉女三部威神乞馬謝如東嶽法

畢叩頭自搏各三百六十過止齋竟言功

法眾官一時東向長跪叩齒二十四通稱

所受官如具稽首再拜上啓

太上无極大道太上大道君太上老君太上

丈人无上玄老十方无極大道道德眾聖天

尊至真天帝天帝天師君靈寶監齋大法師

臣等素自凡愚不以穢賤好道樂仙擇受法

任得騰景九玄志竭愚短自効毛髮共相構

率以今月如干日某時於某郡縣鄉里中建

立齋直燒香誦經思神念真如干日夜某時

行道請謝修行事竟所啓上清三洞飛仙天

仙地仙五方天兵騎乘及侍經侍香玉童玉

女靈寶官屬監齋眾真五嶽四瀆四方監察

真官靈仙謁遠真管進品上仙加爵帝秩隨

品署真當如太真之儀今臣等未道得道未

仙得仙今臣等分形變化七十四方三元下

降降致綠辮飛行上清騰景九天日月同輝

三寶齋輪惟蒙至聖監映丹情臣等學法未

備俯仰之格齋法難精不合儀式進止犯科

為四司所糾玉帝所執千愆萬罪乞蒙

赦寬哀原未悟不見罪罰臣等身中五體具

官隨功上詣

玄都受秩事竟還臣等身與臣同升飛行太

空謹上啓

聞伏願告報臣等誠惶誠恐稽首再拜

謝畢左行還西向東三上香呪曰

香官使者左右龍虎君捧香驛龍騎史當今

臣靜室齋堂生自然金液丹精百靈芝英交

會在此香火前今臣得道遠獲神仙舉家蒙

福上下受恩十方玉童玉女侍衛香煙傳臣

所啓徑御

无極太上大道前

天尊言其三元品誠謝罪上法三元宮中隱

存形神精思罪根修仙上道學士一歲三過

行之行之當令心丹意盡神形同苦无有怠倦感徹諸天三元則罪於黑簿北帝落死而上生三官保舉於學功太玄記錄於上仙夫求道者非苦不徹非丹不感非勤不獲非功不得非志不克非心不成也當使形勞於始神權於終終得无為充入自然罪澤之人貪翫珍寶見世之權一時之榮豈知有終終歸於苦塗炭三官長淪焉劫何時得還故賢愚各尚志業不同愚者貴始賢者重終愚智相殊豈可言哉

天尊言夫為學者身經三元上吉之日香湯自鍊沐浴五神則氣澄形正神爽結真體不受穢氣不受塵三關清虛萬邪不干三部八景洞明身中服御導引五府生薰內外充溢悉得成仙上士飛騰駕景乘雲中士隱化生在立亡下士滅度轉輪聖玉滅而不絕終得神仙其法高妙微難可勝今以相告勤為用心道君稽首伏受要言

天尊言夫為積學未得道者皆由己身負其宿對三官所舉九府所執百二十曹左右考

官文書考逮惡根不滅邪魔侵伐致五神爭競身犯不覺罪穢日生神真飛越雖見東法而罪根不釋徒為勞心至死无獲今三元大慶開生吉日諸天迴駕東聖同集推校生死功過錄籍道法普慈愛民育物見其罪者名入死目終劫相牽永无解脫學而无益甚可痛焉今聞紫陽玉笈出三元品誠謝過上法以慶學者成其功德宣告天科各條學士未得道者功過多少咸使有心承受大法落減罪簿上名仙錄於今又始普告諸天无高无下无深无遠无大无小无窮无極无幽无隱无音无響冥寂玄通大智慧原三官九府百二十曹一切神靈莫不承奉於是諸天大聖眾无極尊神太上道君一時長立舉手告眾彈指稱善是時天尊開大宥之恩諸天男女始學者莫不恭奉修行大法皆即受度身得神仙白日登虛上升帝宮其有善心信向之人敬而奉之皆得開度轉輪生死不經地役功成德滿並得仙道位齊飛天遊乎十方也

天尊言夫以三元上吉之日修行三元品誠

謝罪之法則三官九府右別錄籍五帝保舉列名諸天眾真權喜萬神開宥宿對赦散罪根普解三會感徹三官九府百二十曹考逮削落黑簡斷絕宿根勅名左契青錄之中萬靈侍護三界司迎妖魔降伏千災不干道真自生克得神仙

太上大道三元品誠謝罪上法